

Kataku tshitan anite etaian
Muku a tshui tutun tshetshi takushinian
Nipa tshi tepuen tshetshi petakauian
Tshetshi petamin e shuenimitan
Takuan e mamitunenimitani
E mueshtataman muku apu shetshishian

Nasht apu tshissenitakushin
Apu tshi uapataman nete tshishtikuanit
Tshekuan ma eka takushin?
Tshe akussinituiak^a, tshe aimituiak^a

Tshitshitapamin, tshitshitapamin
Tshekuan e tutamak^a? Apu nishtutaman
Nekatshipanu tshishik^a eka tain anite etaian
Nanitam ninatuapaten tshekuan tshe tutaman
Apu nita tshika ut nete mitataman
Tshuashtenen nitiniun, tshima tshissenitam
Nitshisseniten etamatshuin, e shetshishin
Muku peikushu muk^a tshiam inniun

Nasht apu tshissenitakushin
Apu tshi uapataman nete tshishtikuanit
Tshekuan ma eka natuapamin?
Tshe akussinituiak^a, tshe aimituiak^a

Ushkat e natshishkatuiak^a
Muk^a tshiam e uitsheukanitatuak^a
Tipatshimuia^a, mamu taiak^a
Takuanipan eshi-tshitapamin
Essishuemakat anite tshekuan
Muk^a e shetshishian, apu tshut uitaman

Nasht apu tshissenitakushin
Apu tshi uapataman nete tshishtikuanit
Tshekuan ma eka natuapamin?
Tshe akussinituiak^a, tshe aimituiak^a

Nasht apu tshissenitakushin
Apu tshi uapataman pitute tshiteit
Tshekuan ma eka natuapamin?
Tshe akussinituiak^a, tshe aimituiak^a
Aimituiak^a, shuenimituiaku
Mamu minuat tshe tipatshimuia^a
Aimituiak^a, akussinituiak^a
Mamu minuat tshe taiak^a

Nasht apu tshissenitakushin
Apu tshi uapataman nete tshishtikuanit
Tshekuan ma eka natuapamin?
Tshe akussinituiak^a, tshe aimituiak^a
Nasht apu tshissenitakushin
Apu tshi uapataman nete tshishtikuanit
Tshekuan ma eka natuapamin?
Tshe akussinituiak^a, tshe aimituiak^a

QUI SIGNIFIE :

insaisissable

Comment découvrir ce que tu veux
si tu es loin de moi?
Je voudrais crier
jusqu'à ce que tu m'entendes
Te dire que tu me manques

Pourquoi ne reviens-tu pas?
Si tu revenais,
nous pourrions parler
et nous serrer l'un contre l'autre.
Être de nouveau ensemble